

Masyarakat disaran beralih kepada pengangkutan awam

KUALA LUMPUR - Op Selamat yang diadakan pada setiap musim perayaan dianggap berjaya mencapai matlamat mengurangkan kadar kemalangan jalan raya daripada terus meningkat namun pengguna disaran beralih kepada pengangkutan awam yang lebih selamat.

Pengarah Eksekutif Safe Kids Malaysia, Jabatan Kesihatan Komuniti, Fakulti Perubatan dan Sains Kesihatan, Universiti Putra Malaysia, Prof Madya Dr Kulanthayan KC Mani berkata, pengguna jalan raya perlu bekerjasama memastikan angka kematian dikurangkan ke tahap paling rendah.

Beliau berkata, pengguna boleh beralih kepada pengangkutan awam sebagai kaedah paling selamat untuk melakukan perjalanan jauh selain mengawal kelajuan kenderaan jika menggunakan kenderaan persendirian.

"Pertama jika mereka dapat berpindah kepada pengangkutan awam adalah lebih baik.

"Pengangkutan awam memang cukup selamat berbanding pengangkutan persendirian.

"Kedua, bagi mereka

yang menggunakan kereta, kelajuan kenderaan perlu dikurangkan," katanya di sini kelmarin.

Beliau berkata, apabila kelajuan kenderaan dikurangkan, peluang untuk mengawal kenderaan lebih baik lantas kemalangan boleh dikurangkan.

Kulanthayan berkata, walaupun pelbagai inisiatif dilaksanakan, pengangkutan awam masih lagi kaedah lebih selamat berbanding kenderaan persendirian.

Katanya, menurut statistik, kemalangan memabitkan kenderaan persen-

dirian masih berada pada kedudukan tertinggi.

"Kadar kemalangan maut paling tinggi melibatkan motosikal dan kereta. Dua kumpulan ini sudah mencapai lebih daripada 80 peratus angka kematian.

"Jika dua kumpulan ini dapat kita pindahkan sedikit kepada pengangkutan awam, saya rasa kita dapat menangani isu ini," kata beliau.

Op Selamat 15 diadakan selama 12 hari sempena musim perayaan Aidilfitri sejak dilancarkan pada 29 Mei lepas. - *Bernama*

UBAT SAKIT PERUT PIL CHI-KIT TECK AUN

UNTUK : SAKIT PERUT, CIRIT-BIRIT DAN
MUNTAH-MUNTAH YANG RINGAN, MABUK
PERJALANAN DAN MAKANAN TIDAK HADAM.



SESUAI
DIBAWA
BERSAMA

INI ADALAH
SEDIAAN
HERBA



INI IKLAN
PRODUK
TRADISIONAL



KILANG PERUBATAN GMP

K.K.L.I.U.: 2515/2017

MAL:19950914T

EAGLE & PAGODA BRAND TECK AUN MEDICAL FACTORY 6884-T

686, JALAN PERINDUSTRIAN BUKIT MINYAK,
14100 BUKIT MERTAJAM, PULAU PINANG.

TEL:604-5088888 FAX:604-5088333(SALES)/604-5085555(ADMIN)